

永豐縣志卷之十四

職官志

名宦

宋縣令

段 繼至和元年甲午以太常博士蒞任時初析報恩鎮為永豐縣未有廳舍繼辟土立廨規制治所有建縣治記

趙訓之字誨道秦魏王五世孫政和間進士建炎二年戊申蒞任時孟太后避地虔州護衛統制社彥等叛犯永豐訓之與尉陳自仁取間道統賊後據地利匿精兵以誘賊賊至伏發殲其眾會賊別校繼至官軍未成列自

永豐縣志

卷

十四

名宦

一

仁死之訓之鏖戰亦被害事聞贈朝散郎直秘閣官其二子自仁贈通直郎官其一子邑人為立祠從祀名宦宋史

熊彥明樂平人本邑遇源裔紹興二年壬子知永豐

舊志

炎三年今照秩官表更正

時賊寇謝小兒等哨眾破撫之崇仁乘勢

侵邑彥明率民兵出境擊之勢不敵力戰而死邑民立像祀焉

李 諤字正臣南康人紹興五年乙卯以進士知永豐事

民有好訟者輒委曲開諭使之徐化耆老至庭反復諮詢備悉五鄉利病是冬虔賊張平頭率眾千人犯境諤討平之殺張平頭於遇源六年丙辰虔賊大小王引眾

數千掠吉水將及境謬破賊於吉水桑村餘眾潰亡自是寇不敢近民生祠之八年戊午賊鄒慈一據興平鄉往來寇鄰境謬謀反間誘縛慈一并部其黨九年己未賊酋李世廣勢窮乞降尋復生變謬以計擒世廣就戮督帥上其功於朝會以母喪去

鄧 顛字晉卿紹興十一年辛酉爲永豐合蒞治之初視學宮草創未備增建講堂并東西廡又於廡署建靜安堂顛爲治尙安靜與民休息不愧堂名民懷其德

魏希文字彥彬開封人乾道二年丙戌任永豐深懲積弊催科有程度支有節創倉廩修驛舍葺城墉百度一新民愛其惠

永豐縣志

卷十四

名宦

二

元 縣尹

佟 復字亨甫大德十年丙午任永豐愛民恤物勤於政治興修積善普濟等橋又經始濟川橋行不病涉復優於文學所至皆有題詠以擢潮州路總管去

何仲溫字良臣冀定人大德間任永豐縣尹置田帖以覈賦稅驗糧籍以正差徭革吏卒狡獪定茶酒稅課勸農興學成濟川橋葺養濟院劉岳申爲作棠蔭碑備述其事

嚴 顯字遷逸文陽人後至元元年乙亥爲永豐縣尹政尙簡易民懷其德在任五年卒於官子孫遂家於邑之

西坪

王 諫汴梁人至正十年庚寅任永豐縣尹先是役有祇候至四五百人吏有貼寫至一二百人凡刑獄科差胥出其手蠹政害民甚苦之諫至盡革其弊卒於官百姓立廟於學宮左祀焉

明知縣

劉 沂字文中山東人吳元年甲辰權知永豐時樂安賊曾英叔侵邑境沂率義兵禦之民賴以安次年以代去

接明甲辰係元至正二十四年時洪武尚未定鼎舊志作明初今照盧府志作吳元年後蔡玘傳等此

增新

蔡

玘安慶人吳二年乙巳知永豐時兵燹初靖玘創廨

宇舉廢墜勸農修學政令一新在任九年以寬大清廉

永豐縣志

卷十四

名宦

三

得民後官粵東卒於任妻子扶柩至吉水縣永豐士民挽柩至邑葬焉子孫遂家於豐從祀名宦

沈惟慶洪武十二年己未知永豐政尚簡易不事苛察民甚便之

劉冲霄洪武十五年壬戌知永豐為政寬猛相濟興學校勸農桑遠邇翕然向化

趙季通天台人洪武三十年丁丑任永豐令廉以律身寬以臨民勸農興學革奸弊均徭役民懷其德後陞國子司業

凌友亮漢川人建文三年辛巳知永豐時賊丁春保聚眾劫掠友亮以計擒之邑賴以安

李 峒字景瞻高郵人正統三年戊午蒞任剛介嚴明鋤擊豪右法無少貸勸富民出穀數萬斛以備賑濟豪右側目相與誣之將去邑民涕泣哀訴詣上請留藩臬郡守交章白其事乃復職

黃永從邵武人正統八年癸亥知永豐寬厚愛民清庶獄省徭役百姓乂安修文廟公廡重新恩江橋祠宇亭樓街道以次葺理士民稱頌

王 昂字抑之揭陽人成化二十二年丙午舊志款以進宏治士任永豐持廉秉公悉心化導民有兄弟爭訟者將入庭恥之不訟而去民俗初喪椎牛醜酒以速弔客貧者稱貸以舉昂導以禮教俗少變毀淫祠增社學凡事關

永豐縣志

卷十四

名宦

四

風化者爲之恐後邑人至今稱賢合必曰揭陽王公從祀名宦

車 梁石州人宏治五年壬子蒞任廉明果決興學校舉廢墜時有虎患梁齋戒爲文檄城隍患竟息

王孝忠南充人宏治九年丙辰以進士任永豐性端嚴人不敢干以私博學好古以經術飾吏事縣治肅清後以不阿上官託疾去

朱 璉湖廣桃源人正德三年戊辰蒞任愷悌愛民勞心撫字無微不至後罷去百姓號泣送之

按朱璉舊志作宋璉秩官表作朱璉於正德三年戊辰蒞任五年庚午知縣爲金瑗是朱璉在任僅二年

耳武事志又稱朱璣於六年辛未拒闖寇而是年知縣又爲陳廷臣中多舛錯今釐正舊傳以紀其實其

姓本秩官表作朱廬府志

考秩官表有吳璣於成化二十年蒞任並無朱璣姓

名朱字或係朱字之訛耳新增

唐 侃字廷直丹徒人正德八年癸酉授永豐知縣之官

不攜妻子獨與一二童僕飯蔬豆羹以居吏民信服俗

刁訟尙鬼尤好俳優侃禁止之遷武定知州陞刑部主

事

按知縣唐侃永豐志及舊府志皆軼其名今查白志

增入又白志云郡縣名臣傳載侃在永豐立木牌二

永豐縣志

卷十四

名宦

五

面於庭左曰從刑右曰從化令曰從理者左欲和者

右久之民多立於右以求解言或當理雖賤吏必改

容謝無理雖權貴人百方請說終無所假借以是告

訐之俗爲之一變廬府志

商大節湖廣安陸進士嘉靖二年癸未蒞任御士民以恩

懲奸宄以法創建城池剪除劇寇立義倉練鄉兵一切

廢墜悉興之官至都御史從祀名宦

黃齊賢字汝思浙江餘姚人嘉靖十七年戊戌進士己亥

冬蒞任明敏練達剔蠹祛奸吏不敢玩其法人不敢干

以私政尙嚴明心存撫字蒞任三年卓有惠政以內召

去

張 言桂林人嘉靖二十六年丁未進士戊申蒞任行教
古處志不外求建立社學裁革冗費邑人稱賢命從祀
名宦

陳 瓚常熟人嘉靖三十八年己未進士庚申春蒞任興
學禮士每朔望行香畢必進諸生講論經義治尚恬靜
以教化爲本值閩廣流寇猖獗所過屠戮莫制瓚聞變
籌畫方畧戰守有備寇泊城下相拒七日散去邑賴保
全未幾以內召擢給事中官至刑部侍郎從祀名宦

胡 淳字原荆無錫人嘉靖四十四年乙丑進士冬月蒞
任諳練吏治遇事輒迎及而解振興學校每月輟政二
日課士於明倫堂治僅九月以內艱去邑人立去思碑

永豐縣志

卷十四

十四

名宦

六

陳尙伊字任菴桂陽人隆慶二年戊辰進士己巳蒞任寬
簡樂易勤慎廉明造就諸生歷久不倦恩江橋圯力任
修復以擢主事去民懷其德繪像祀之

馮應鳳字鳴暘浙江山陰人萬曆八年庚辰進士辛巳蒞
任移建學宮造就士子湖頭堤上流橫溢壞民居室應
鳳修築完固水不爲患舊囿倉離城稍遠改建學宮旁
時盜賊屯聚村落以計除之鄉無夜警

吳期炤字開源德清人萬曆十四年丙戌進士己丑蒞任
振興文教惠愛閭閻學宮及恩江橋並加繕治纂輯縣
志

金士衡字崑源長洲人萬曆二十年壬辰進士蒞任永豐

重士愛民馭下嚴肅民俗和樂治行稱最

秦延蒸無錫進士萬曆三十六年戊申蒞任政績卓著以陞兵科主事去邑人思慕不置從祀名宦

按秦延蒸既從祀名宦舊志何不列傳今約識數語以補遺漏新增

瞿式耜字稼軒常熟人萬曆四十四年丙辰進士戊午蒞任政尚寬仁捐俸建尊經閣三元堂修復恩江書院邑人肖像祀之

劉綿祚字季延武進人崇禎四年辛未進士壬申蒞任鄰境九蓮山界閩粵賊窟其中綿祚屢請兵會勦賊怒率眾攻城綿祚出擊三戰三捷賊益紛至綿祚伏兵黃牛

永豐縣志

卷十四

名宦

七

洞誘賊大破之邑賴以安因勞致疾請告歸卒從祀名宦

明史附見
劉祖熙傳

陸運昌字夢鶴浙江錢塘人崇禎七年甲戌進士甫除任即悉心民瘼請免積逋數萬調吉水縣豐人士請留不可於是立生祠樹去思碑以志愛從祀名宦

國朝知縣

王際有字書年江南丹徒人順治三年丙戌進士丁亥蒞任時方初定際有悉心撫字誕保蒸黎各安其居尤雅意作人振興文教在任三年以憂去邑人為立遺愛碑儲曾字觀我宜興人順治六年己丑進士庚寅蒞任時邑境多盜曾擒渠首誅之寇悉平兵有奪民財者真諸

獄其黨五人自稱提標官捧檄索獄中兵曾識其詐并
執付獄訊伏法自是驕兵歛跡明靖難魏冕子孫隸所
衛戍伍曾搜舊牒除其籍尋以民逋賦免官去越一年
奉檄回豐清官項有民挈妻子迎拜車下者蓋因向有
上豪欲奪民妻訟諸官曾斷歸民至是生男女各一故
尸祝不忘云

江南通志

鄧秉恒字忍菴山東聊城人順治六年己丑進士丙申蒞
任釐姦剔蠹發伏如神尤善於靖亂時山寇盤踞秉恒
於歲除夜半率鄉勇攻其無備蕩平之建恩江橋民稱
便吉郡向食廣鹽後鹽不行而課尙存秉恒內召疏免
廣課闔郡德之重修縣志邑人建祠祀恩江橋左

永豐縣志

卷十四

名宦

八

馮肇楠字木伯會稽人順治十五年戊戌進士康熙甲辰
蒞任時甯都蓮花峯盜擁眾負險諸邑患之肇楠單騎
詣賊營格以至誠賊眾羅拜就撫呼爲青天尋以此被
議免官去之日士民遮道餞酒賦別立遺愛祠於湖西
道前

張經北直人康熙二年癸卯以郡長史攝篆甫下車卽
進諸耆老咨民缺狀先是知縣鄧秉恒修恩江橋纔及
四甕經實繼之底於成邑人爲二合勒碑於橋畔以志
功德

按此事詳孝廉涂拔尤恩江橋記舊志失載并不列
名於秩官表今采補

新增

高可極字爾建潛山舉人康熙五年丙午令永豐甫下車
卽詳食鹽免充廣餉捐銀買馬不取民夫又捐俸建歐
陽修祠以老病去任士民焚香泣送

李徵泰字晦修山東長山人順治十五年戊戌進士康熙
丁未蒞任始至卽於署內堂書冰心若水執法如山八
字豪猾恐懼時南寇未靖招徠之兵令就州縣屯墾至
財強占民田民屏息莫敢與爭徵泰力請於大吏撤去
在任四載囊橐蕭然卒於官邑人建遺愛祠從祀名宦
魏繼樞字靜齋北直通州舉人康熙十三年甲寅由教諭
調永豐令寬厚仁慈牧民禮士下車數月政治一新乙
卯府城失守賊將韓大任據之繼樞單騎趨吉水會師
於螺山與知府龔其裕畫策堵禦賊乃不敢東向逾年
恢復府城陞滇南知州

永豐縣志

卷十四

名宦

九

李巽臣金壇舉人康熙二十年辛酉任永豐令撫民如子
邑中田畝最難開墾者極力爲民請命尤作意造士時
干戈甫定向學者少巽臣力振興之已上省府志

鄭啓字西崖四川廣安舉人康熙四十四年乙酉蒞任
愛民重士倡修六一橋龍蟠洲鐘樓捐俸買東源路佃
田助恩江書院膏火又買甯屯田爲修葺之資解組歸
邑人爲立去思碑

王坦北直進士康熙五十五年丙申蒞任博學多才長
於吏治纂修縣志力新學宮士民稱文吏焉

趙憲清建水舉人雍正十一年癸丑蒞任實心撫字時大水漂沒廬舍百姓流亡轉徙憲清招撫之議請緩征秋糧全活者以萬計學宮圯捐俸修葺其去也邑人立去

思碑 采補

江伍圖沔陽舉人乾隆十年乙丑蒞任法合嚴明奸宄匿跡興利除害吏畏民服移建學宮於感應坊規制巍煥陳材福建連江進士乾隆十四年己巳蒞任政尚簡靜幾至刑措樂育人材有濂洛風士民稱爲儒吏所著有梅園集

党兆熊陝西華州進士乾隆三十年乙酉蒞任勞心撫字催科不擾民懷其德公餘課士賞拔多名流恩江書院

永豐縣志

卷十四

名宦

十

久圯力爲興建並增膏火士林至今稱頌

張念潛河南祥符舉人乾隆三十四年己丑蒞任操守清嚴愛民重士禁胥吏不得華服凡讞獄得情倍加矜憐去任時士民攀轅號泣送之

王璽奉天正黃旗舉人乾隆四十年乙未蒞任愷悌愛民尤禮下賢士邑諸生之有才而往見者雖年甫弱冠亦躬自報謁僉謂此自來縣令所僅有者 采補

張德馨直隸舉人乾隆四十五年庚子由教諭授永豐令居心仁厚士民愛戴創建火神廟觀音閣修復鐘樓鞏固學宮傍河堤皆其首倡邑人至今思慕不置

田懋仁貴州舉人乾隆五十七年壬子蒞任安靜慈祥刑

不妄施請託不行外和而內介宰邑三年無賢愚皆頌德久而弗衰 采補

李咸一直隸西平舉人乾隆五十九年甲寅蒞任振興文教恩江書院課藝詳爲規示文佳者優賞以資鼓勵賓興厚饋卷金學宮歲久剝蝕捐俸倡修煥然一新

李金臺河南夏邑人嘉慶十一年丙寅以進士知永豐事慈祥愷悌愛民如子詞訟不少稽延捐俸勸課作興人材倡修文塙考棚多惠政因公被議解組羈豐日嘗不舉炊士民餽薪米五載弗間嘗作負初跋以白其心卒以降調去 已上舊志

陳徵芝閩縣人嘉慶二十三年戊寅以進士蒞任愷悌慈

永豐縣志

卷十四

名宦

十一

祥實心撫字庚辰大旱禾黍盡枯檇徵芝詳請緩征民得少甦訐訟者每羅織無辜輒除其名非大獄訟未嘗繫民於縲綬糾察胥吏狙詐俱不得行邑中 崇聖祠武廟城南門鐘樓諸舉皆捐廉倡修去豐數十載士民猶追慕其德不置云 采補

畢光榮昆明人道光二年壬午以進士蒞任慎守法紀釐剔諸弊政四境安然歲旱光榮抱恙祈禱於五獻山草履行烈日中往還幾四十里至城則植一竿於北方懸燈籠七於竿首照耀若七星狀率鄉民焚香羅拜少頃有雲自北方起狀如黑烏甘霖大注士民歡忭 采補

馮詢番禺人道光十八年戊戌以進士蒞任爲政知大

體倡建五鄉義倉以賑饑民又建求志書院捐廉延有
師課士舊有恩江書院鉤稽膏火田畝爲除積弊沙溪
文儒書院本歐陽修故里詢作意栽培故文風蒸變獲
雋者日盛接見士類和藹可親及斷制刑獄則風裁整
峻不可干以私公餘喜吟詠凡風土民情悉於詩歌見
之以調浮梁去新增

林燕典文昌人道光二十九年己酉以進士蒞任性情寬
厚不事苛察在任數年每有興建皆實心舉行故學宮
城垣河堤祠廟諸大端次第告蕝士民咸德之新增

明教諭

黃 佳福建莆田舉人嘉靖間任永豐教諭端方嚴肅課

永豐縣志

卷

十四

名宦

十二

諸生寒暑不輟上官重其品望徵主白鹿洞教事尋陞
國子助教

吳 祐福建人嘉靖間任永豐教諭操履方正不務貨利
誨人爲學根本孝弟於孤寒士尤加意振拔以內艱去
李廣崇平江人萬厯間任永豐教諭性敏嗜學手不釋卷
與諸生講論經史外諸儒格言稱述疊疊皆切中學者
流弊以疾致仕去

明訓導

陳雅言邑人洪武間由薦辟任本邑訓導作興文教見人
物傳一

俞元直字木卿浙江上虞人正德間任永豐訓導稟性溫

循制行嚴潔學舍圯捐俸修復有司非公不見於弟子請業雖臥病必力起見之

張宗周浙江慈谿人嘉靖間任永豐訓導恬靜端方狷介縝密誨諸生自朝至夕無倦容生平嗜好經史以外泊如也卒於任囊橐無餘貲邑紳士斂賻以歸其櫬

貢安國宣城人嘉靖末任永豐訓導宗朱子之學以身體力行爲本嘗講學洪都掌白鹿洞教事

楊養和浙江德清人隆慶間任永豐訓導廉介自持外事一無所與終日閉門謝客與諸生尙論古人如在光風霽月中久而忘倦已上府志

國朝訓導

永豐縣志

卷十四

名宦

十三

李中孚字春山鄱陽舉人乾隆間任永豐訓導博覽羣書爲文陳言務去詩賦法唐人書近顏平原每月課士數十卷必詳爲修飾一以清真雅正爲宗主講思江書院待肄業者如子弟其同族舉人李士英時並爲永豐學宮亦能以質厚型士惜在任未幾卒舊志

宋縣丞

趙伯愆紹興七年丁巳任永豐縣丞同知縣李諤協力禦寇保全四境民懷其德與諤並繪像於思賢堂

明縣丞

朱曦浙江人正統十四年己巳由薦辟蒞任簡明仁民感其德知縣黃秉從修學宮及思江橋諸義舉襄助

之力居多

梅繼儒宣城人嘉靖十九年庚子以監生蒞任勞心勤民折節禮士時學宮乖方向邑人謀遷正之繼儒身任其事歷數月廟貌一新

伯從周雲南人萬厯間由恩貢蒞任捐介卓立重士愛民捐俸修理學宮後寢疾妻割股食之竟卒於官已上府志

賀恩霈丹徒監生道光元年辛巳蒞任為政寬厚五年乙

酉歲大饑鄉民詣知縣孫承祖哀號求濟者數千人幾釀巨獄恩霈卒保全之後以被議落職卒於豐士民悲悼新增

明主簿

永豐縣志

卷十四

名宦

十四

郭朝東湖廣人嘉靖間由歲貢生蒞任不以閭曹自菲薄臨民尚感化不妄鞭撲百姓知所警惕時分給鄉耆宣講

按郭朝東舊志作嘉靖戊辰蒞任考明史嘉靖間並無有戊辰歲也附記於此新增

宋縣尉

陳自仁建炎間與縣令趙訓之討賊陣亡已詳訓之傳中此不贅已上府志

吳名揚東鄉新溪人宋末文信國兵至鎮時鄒瀛復永豐城擁兵萬人名揚為尉理糧餉後遇死五陂嶺即歸隱新溪今其家猶藏信國所與札及卻聘書吳嵩梁其後

裔也 舊志

元縣尉

周誠甫少年善騎射勇畧過人元至正間 舊志作至元 羣盜縱

橫馬致遠奉檄領兵控制安福永新之衝時誠甫以佐

州長恢復城池功擢巡檢一日戰於汝西石門寇酋挺

刃突出誠甫引弓仆之躍馬前進斬首數十寇膽喪望

旗引避致遠曰壯哉良將也事聞監郡除永豐縣尉蒞

任不事矜伐能以禮讓為治喜談論詩文粹然謙謙君

子也事逸不知所終 參周震序補

宋 武動

程層益字明秀歙縣人宋理宗淳祐時襲廕有大勳授總

永豐縣志 卷十四 名宦 十五

軍萬戶鎮臨江移守永豐聖嶺營伍肅然其子宣字翔

雲襲廕以他故謫百戶晉右武將軍戍龍泉宋亡遂失

官家永豐之永甯洲 已上府志

按舊志聖嶺屯兵僅載百戶程宣領兵屯守後罷兵

屯遂卜居永豐而其父層益實先以萬戶移屯於此

遺漏失載今據羅念庵集補入 舊志

